

Morning Regional Dogri News Bulletin, 07th December 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- 1 बन्ने पारा भारत च आतंकवाद फैलाने गी लेइयै भारत नै पाकिस्तान दी सख्त नुख्ताचीनी कीती ऐ ते जैशे मोहम्मद दे सरगना मसूद अजहर खलाफ सख्त कारवाई दी मंग कीती ऐ।
2. केन्द्र नै जम्मू संभाग च 10 नमें केन्द्र विद्यालय खोलने दी मंजूरी दित्ती।
3. मुख्यमंत्री उमर अब्दुल्ला होरें आखेआ जे सरकार जम्मू कश्मीर दी विशेष पंछान गी बनाई रखने लेई संजीद गी कन्नै कम्म करै करदी ऐ।
4. कश्मीर संभाग ते जम्मू संभाग दे स्याले आले जोन लेई 10 दिसम्बर थमां स्याले दिएं छुट्टिएं दा ऐलान करी दित्ता गेआ ऐ।

<><><><><><>

MEA Azhar

भारत नै पाकिस्तान गी आखेआ ऐ जे ओह 2001 च संसद पर हमले ज्नेय आतंकवादी हमलें दा षड्यंत्र रचने आहले ते बंदिश आले आतंकवादी गुट दे मुखिया मसूद अजहर खलाफ कार्रवाई करै। पाकिस्तान दे पंजाब सूबे दे बहावलपुर च इक इस्लामी कार्यक्रम दरान मसूद अजहर नै जेह्डी भड़काऊ बयानबाजी कीती, ओहदे पर त्रिक्खी प्रतिक्रिया दे तौर पर भारत नै एह गल्ल आखी ऐ। पिच्छले 21एं ब'रें च मसूद अजहर नै पैहली बारी सार्वजनिक तौर पर कुसै कार्यक्रम गी संबोधित कीता ऐ ते इस मौके उन्नै भारत पर हमले करने दी गल्ल आखदे होई प्रधानमंत्री नरेन्द्र मोदी हुंदे खलाफ ऐतराज-जोग लफ्जें दा इस्तेमाल कीता। अजहर दी इस बुजदिलाना बयानबाजी दिएं रिपोर्टें बारै बोलदे होई विदेश मंत्रालय दे प्रवक्ता रणधीर जायसवाल होरें इक संवाददाता सम्मेलन दरान एह आखेआ कि जेगर एह गल्ल सच्च ऐ तां एहदे कन्नै पाकिस्तान दे बेईमानी आहले चरित्तर दा पता लगदा ऐ जे इक बक्खी ते ओह आतंकवादी गुट खलाफ कार्रवाई दे खोखले दावे करदा ऐ ते दुई बक्खी ऐसे आतंकवादिएं गी पनाह बी देआ करदा ऐ जेह्ड़े बन्ने पार होरनें मुख्खें च हमलें दी साजिश रचै करदे न।

<><><><><><>

New KVs

केन्द्र सरकार नै मुख्य भरै च 85 नमें केन्द्र विद्यालय खोलने दी मंजूरी देई दित्ती ऐ। जेहदे च 10 जम्मू खित्ते च बी शामिल न। कल संजा नमीं दिल्ली च मंत्रिमंडल दी बैठक मगरा मीडिया गी जानकारी दिंदे होई सूचना ते प्रसारण मंत्री अश्विनी वैष्णव होरें आखेआ जे इनें नमें केन्द्र विद्यालयें दे खुल्लने कन्नै पूरे मुख्य च तकरीबन 82 जहार 560 विद्यार्थिएं गी सस्ती ते उच्ची गुणवत्ता आली शिक्षा हासल करने दा मौका थोग। केन्द्र शासत प्रदेश जम्मू कश्मीर च कुल 13 केन्द्र विद्यालय खोले जांगन, लिंदे च 10 जम्मू खित्ते च ते 3 कश्मीर खित्ते च होंगन। नमें के.वी. स्कूल रामबन जिले दी गूल ते रामबन, कठुआ जिले च ककरियात ते रियासी च, किश्तवाड़ दे मुगल मैदान, पुंछ दे गुलपुर, सांबा दे विजयपुर ते उधमपुर दी पंचैरी थाहर खोले जांगन। इयै गै 3 केन्द्र विद्यालय कश्मीर दे रतनीपोरा, गेलेंडर ते द्रगमुल्ला च खोले जांगन। मंत्री होरें एह बी घोषणा कीती जे नवोदय विद्यालय योजना तैहत् देसे च 20 नमें नवोदय विद्यालय उनें जिलें च खोले जांगन जित्थें इस योजना तैहत् अजें लाह नेई ठोआया गेआ। एहदे कन्नै 15 जहार 600 बच्चें गी फायदा होग।

<><><><><><>

India UN

भारत, संयुक्त राष्ट्र दी नशीले पदार्थें दी रोकथाम सरबन्धी आयोग दे 68में इजलास दी अध्यक्षता करोग। आस्ट्रिया दी राजधानी वियना च, संयुक्त राष्ट्र च भारत दे स्थायी प्रतिनिधि शंभु कुमारन होरें कल आयोग दे अध्यक्ष दा औहदा सांभेआ। एह पैहली बारी ऐ जिलै भारत गी संयुक्त राष्ट्र दी इस महत्वपूर्ण संस्था दी अध्यक्षता लेई नामित कीता गेआ ऐ। एह वैश्विक मंच पर भारत दी बधदी नेतृत्व भूमिका ते अंतरराष्ट्री मुद्दे गी हल करने दी ओहदी वचनबद्धता गी दर्शादा ऐ। इस आयोग दे कम्में च नशीले पदार्थें कन्नै जुड़े दे आलमी सतह दे मामलें दी निगरानी करना ते नीतियां बनाने च सदस्य देशें दा सैहयोग करना शामिल न।

<><><><><><>

Army Licence

जिला प्रशासन जम्मू नै जम्मू जिले दे सब्बने बंदूकें दे लाइसेंस धारकें गी निर्देश दित्ता ऐ जे थेआर (संशोधन) कनून 2019 दे प्रवधानें दा पालन करन ते जेकर उंदे कोल 2 शा मती बंदूकां न ते अतिरिक्त बंदूकें गी जमा कराई देन। जिला मैजिस्ट्रेट जम्मू आस्सेआ जारी कीते गेदे हुक्म मूजब 2 शा मती बंदूकें आले पंछाने गेदे लाइसेंस धारकें गी इक हफ्तें दे अंदर—अंदर अपने अतिरिक्त थेआरनेड़मे पुलस थाने च सौंपने होंगन। जिसलै के सशस्त्र बल दे सदस्यें सैनिकें गी इख्तेयार आली आर्मनी यूनिट च सौंपने होंगन। इस हुक्म दा पालन नेई करने आले दा लाइसेंस तुरत रद्द करी दित्ता जाग ते उंदे खलाफ सख्त कारवाई शुरू कीती जाग।

<><><><><><>

Smart Hakhthon

स्मार्ट इंडिया हैकाथान दा 7मां संस्करण 11 दिसम्बर गी मुल्खै दे 5 बक्ख-बक्ख केन्द्रें च शुरू होआ'रदा ऐ जिंदे च आईआईटी जम्मू बी इक ऐ, जेहदा उद्घाटन शिक्षा मंत्री धर्मेन्द्र प्रधान होर वर्चुअल ढंगै नै करगंन। एह हैकाथान इक पैहल ऐ विद्यार्थिं गी इक मंच उपलब्ध कराने दी जेहदे नै ओ रोजमर्रा दे जीवनै च औने आलिं समस्यां गी हल करी सकन ते नोजवानें च समस्यां दा हल कइडने तुप्पने आली सोच विकसित होई सकै। एहदे पिछले संस्करणें आला लेखा विद्यार्थिं दियां टीमां किट्ठे रलियै मंत्रालयें, मैहकमें दे उद्योगें आस्सेआ दस्सी गेदिं ते कन्नै अपने कोला 17 विषयें पर बक्ख-बक्ख श्रेणिं च समस्यां दा हल लेइयै आई सकदे न।

<><><><><><>

Ramban PMAY(byte)

रामबन जिले च दे ग्रामीण इलाकें च प्रधानमंत्री आवास योजना तैहत अजें तोड़ी 71 ज्हार 828 लोकें लाभार्थिं गी अपना मकान बनाने लेई पैहा हासल होई चुके दा ऐ। आकाशवाणी दे जिला संवाददाता अजयदीप सिंह नै सरबंघत अधिकारिं दे हवाले कन्नै खबर दित्ती ऐ जे प्रधानमंत्री आवास योजना दे तैहत 35 ज्हार 828 लोकें गी मकान बनाने लेई पैहे दी पैहली किश्त 30 ज्हार 974 लोकें गी दूई किश्त ते 25 ज्हार 828 गी एहदी त्रीह किश्त बी हासल होई गेदी ऐ। इस बारे आकाशवाणी कन्नै गल्ल करदे होई एडीसी रामबन श्रीनाथ सुमन होरें आखेआ.....बाईट

<><><><><><>

CM Omar Abdullah

मुख्यमंत्री उमर अब्दुल्ला होरें आखेआ जे उंदी सरकार खित्ते दी विशिष्ट पंछान गी बचाने लेई पक्की प्रतिबद्धता कन्नै ते लोकें कन्नै कीमे गेदे वादे गी पूरा करने दी बत्तै पर अगगे बघने लेई कम्म करा'रदी ऐ। उमर अब्दुल्ला होरें आखेआ जे सरकार पार्टी दे चुनां घोषणा पत्र च दस्से गेदे वादे गी पूरा करने लेई पूरी लगन कन्नै कम्म करा'रदी ऐ, तां जे खित्ते दी विशिष्ट पंछान गी बचाया जाई सकै। उनें इस गल्लै पर बी जोर भरेआ जे सरकार पिछले दाहके च आए दे विकासात्मक चुनौतिं कन्नै निबडने लेई समर्पण कन्ने कम्म करा'रदी ऐ।

<><><><><><>

Entrepreneurs

जम्मू कश्मीर च तकरीबन 1 लक्ख 37 ज्हार काबिल नोजवानें दी पंछान करियै उनेंगी सफल उद्यमी बनाने लेई सर्वेक्षण अगले म्हीने थमां शुरू होई जाग। इस पैहलकदमी दा मकसद जम्मू कश्मीर दे काबिल नोजवानें दी पंछान करना ऐ जिंदा रौह स्वरोजगार दी तरफ होवै। एहदे लेई बक्खलबक्ख उद्यमशील गतिविधियां करोआई

जांगन, जेह्दे च सरकार आस्सेआ मिशन यूवा तैह्त् मदद दित्ती जाग। इस बारे फैसला मुख् सचिव अटल डुल्लू होरें इक बैठक दरान लैता जेह्दे च श्रम ते रोजगार ते योजना विभागें दे अधिकारिणें ते हारने हितधारकें हिस्सा लैता। डिप्टी कमीशनर इस बैठक च वर्चुअल ढंगे नै दस्सेआ गेआ जे सर्वेक्षण, श्रम ते रोजगार ते योजना विभागें आस्सेआ सांझे तौर पर कीता जाग।

<><><><><><>

APAAR Diwas

शिक्षा मंत्रालय देशे च हाल च गै शुरू कीती गेदी “अपार” प्रणाली बारे जागरूकता पैदा करने लेई 9 ते 10 दिसम्बर 2024 गी मेगा अपार दिवस मना’रदा ऐ। इक सोशल मीडिया पोस्ट च शिखा मंत्रालय नै जानकारी दित्ती ऐ जे भारत च हर इक विद्यार्थी लेई “अपार प्रणाली” तैह्त् 12 अंके दी इक बक्खरी पंछान आली आईडी शुरू कीती गेई ऐ जेह्डी ही इक विद्यार्थी दी शैक्षणिक प्रगति दा आजीवन रिकार्ड उपलब्ध करोआंदी ऐ। एह् पैह्लकदमी शिक्षा दे डिजीटली करण राएं राष्ट्रीय शिक्षा नीति 2020 दे लक्ष्यें दा समर्थन करदी ऐ। “अपार प्रणाली” विद्यार्थिणें दी शैक्षिक प्रगति दा मूल्याकन ते निगरानी, डिजीलाकर राएं रिकार्ड गी डिजीटल करियै कठेरियै रखना, स्कूली बच्चे लेई कुसै वजह कन्ने स्कूल छोड़ी दित्ता ऐ उनेंगी ट्रैक करियै इसगी घट्ट करना अगैरा कन्ने स्कूलें गर सशक्त बनादा ऐ।

<><><><><><>

Udhampur(byte)

इक पैह्लकदमी दे हिस्से दे तौरा पर जिला सैनिक वेलफेयर दफ्तर उधमपुर नै जिला दफ्तर च उधमपुर दे दूर दरेडे इलाके थमां साबका फौजिणें ते वीर नारिणें लेई इक तागरूकता कार्यक्रम लोआया। उधमपुर थमां साढ़े जिला संवाददाता अचिन दूबे नै जानकारी दित्ती ऐ जे इस जागरूकता ते गल्लबात आले सत्र दा मकसद साबका फौजिणें दी शकैतें गी दूर करना ते पेंशन सरबन्धी शकैतें दा हल कड्डना हा। आकाशवाणी कन्ने गल्ल करदे होई उधमपुर थमां जिला सैनिक वेलफेयर अफसर कर्नल रटैर सुखवीर सिंह अस्सला होरें आखेआ..... बाईट

<><><><><><>

Winter Vacation

स्कूली शिक्षा मैह्कमे नै कश्मीर डिवीजन ते जम्मू डिवीजन दी विंटर जोन च हायर सकेंडरी तगर दे सब्बने सरकारी ते मान्यता प्राप्त प्राइवेट स्कूलें लेई सयाले आली छुट्टियेंदी घोषणा कीती ऐ। साढ़े संवाददाता दी

જાનકારી મૂજબ સરકારી હુક્ત મતાબક 5મીં જમાત તગર છુટિટયાં 10 દિસમ્બર 2024 થમાં 23 ફરવરી 2025 તગર રૌંહગન, જિસલૈ કે 6મીં થમાં લેઝયૈ 12મીં જમાત તગર દે બચ્વેં લેઈ 16 દિસમ્બર 2024 થમાં 28 ફરવરી 2025 તગર રૌંહગન। સરકારી સ્કૂલેં ચ હાઈ તે હાયર સકૈંડરી અમલેં ગી બોર્ડ દે મતેયાનેં લેઈ 10 ફરવરી 2025 થમાં અપને અપને મુખ્યાલય ચ રિપોર્ટ કરને દા નિર્દેશ દિત્તા એ। એહદે અલાવા અધ્યાપકેં ગી છુટિટં દરાન વિદ્યાર્થિં દે માર્ગદર્શન લેઈ ઑનલાઇન ઉપલબ્ધ રૌહને દે બી નિર્દેશ દિત્તે ગે ન।

<><><><><><><>